



Broj: 22-06-14-2128/17
Sarajevo, 26.12.2017. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05) a u vezi sa članom 17. stav 1. Zakona o javnim nabavkama BiH ("Službeni glasnik BiH", br.:39/14) i članom 2. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU o pokretanju javne nabavke putem direktnog sporazuma

I
Ovom odlukom pokreće se postupak javne nabavke roba: "Nabavka i isporuka auto-dijelova" prema – JRJN: 34330000-9 - Rezervni dijelovi za teretna vozila, furgone i automobile i 34350000-5 Gume za teška i laka vozila, u skladu sa članom 90. Zakona o javnim nabavkama ("Službeni glasnik BiH", broj: 39/14),

Redni broj nabavke u Planu nabavke ugovornog organa – JNR br.43.

II
Vrijednost javne nabavke iz tačke I ove Odluke procjenjuje se na iznos do 6.000,00 KM (šesthiljada KM) bez PDV-a.

III
Sredstva za nabavku iz tačke I ove odluke se osiguravaju iz planiranih sredstava Kantonalne uprave civilne zaštite Kantona Sarajevo za 2017. godinu sa ekonomskog koda: 613700 – Izdaci za tekuće održavanje.

IV
Ova Odluka stupa na snagu danom donošenja.

Obrazloženje

Kantonalna uprava civilne zaštite Kantona Sarajevo pokreće postupak javne nabavke putem direktnog postupka za nabavku auto dijelova koji su neophodni za rad i operativno djelovanje vatrogasne jedinice koja je u sastavu ugovornog organa.



E-mail: kucz@kucz.ks.gov.ba; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1



Broj: 22-06-14-2128-3/17
Sarajevo, 28.12.2017. godine

Na osnovu člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“, broj: 39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU
o izboru

Član 1.

Ugovor za javnu nabavku auto-dijelova prema specifikaciji iz obrazca za cijenu ponude, putem direktnog sporazuma dodijeljuje se ponuđaču Sinhron d.o.o. prema ponudi broj: 40/17 dostavljenoj 26.12.2017. godine za ponuđenu cijenu 6.998,94 KM (slovima: šeststihiljadadevetstotinadevedesetosam KM i 94/100) sa PDV-om.

Član 2.

Prijedlog ugovora o nabavci dostavit će se na potpis izabranom ponuđaču Sinhron d.o.o.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-06-14-2128/17 od 26.12.2017. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo je ispitala tržište, te uputila zahtjev za dodjelu pismene ponude jednom ponuđaču. Iz izvještaja o provedenom postupku konstatovano je da je ponuda ponuđača Sinhron d.o.o. dostavljena u skladu sa zahtjevom za dostavljanje ponuda te da ispunjava sve zahtjeve u pogledu opisa predmeta nabavke.

U postupku donošenja ove Odluke, posebno je cijenjena činjenica da je ponuda ponuđača Sinhron d.o.o. kvalifikovana i prihvatljiva za ugovorni organ, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.

Dostaviti:

- Sinhron d.o.o
- Ministarstvo finansija Kantona Sarajevo
- a/a



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1

UGOVOR
o javnoj nabavci putem direktnog sporazuma
"Nabavka i isporuka auto-dijelova"

I UGOVORNE STRANE

1. Kantonalna uprave civilne zaštite Kantona Sarajevo, ul. Hamida Dizdara br. 1., Sarajevo, koju zastupa direktor, Samir Džihić, (u daljnjem tekstu: **Kupac**), ID broj: 4200665390008 i
2. Sinhron d.o.o. ul. Franje Kluza do br. 2., 71 000 Sarajevo, kojeg zastupa direktor, Sanida Hrvat, (u daljnjem tekstu: **Prodavac**), ID broj: 4200012080003.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao „Ugovorne strane“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru za nabavku roba broj: 22-06-14-2128-3/17 od 28.12.2017. godine, i Ponuda Kupca broj: 40/17 od 26.12.2017.godine.

III PREDMET UGOVORA

Član 1.

Predmet ovog Ugovora je nabavka i isporuka "auto-dijelova" prema tehničkoj specifikaciji, koja je navedena u Zahtjevu za dostavu ponude Kupca broj: 22-06-14-2128-1/17 od 26.12.2017. godine, kao i Ponudi Prodavca br: 40/17 od 26.12.2017. godine, koje čine sastavni dio ovog Ugovora.

Član 2.

Nabavku i isporuku "auto-dijelova", Prodavac je dužan isporučiti prema svojoj Ponudi i specifikaciji Kupca.

IV CIJENA I NAČIN PLAĆANJE

Član 3.

Ukupna vrijednost ugovorene nabavke definisane u članu 1. ovog Ugovora iznosi: 6.998,94 KM (slovima:šesthiljadadevetstotinadevedesetosam KM i 94/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 161000001980072 otvoren kod Raiffeisen Bank d.d. sarajevo

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora i nakon isporuke predmetne robe.

V ROK I MJESTO ISPORUKU

Član 5.

Prodavac se obavezuje da će robu iz člana 1. ovog Ugovora, isporučiti na adresi: Fehima ef. Čurčića br.1, 71 000 Sarajevo najkasnije u roku do 5 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 40/17 od 26.12.2017. godine, a koju je Kupac odabrao kao prihvatljivu i kvalifikovanu.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Kupca;
- da će dostaviti certifikate i garantne listove proizvođača za predmetnu robu;

Član 8.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRODAVCA
Sinhron d.o.o.
DIREKTOR
Sanića Hrvat


M.P.

ZA KUPCA
DIREKTOR
Samir Džihic


Broj:

Broj: 22-06-14-2128-5/17
Sarajevo, 28.12.2017. godine.